

զեղրայր Ապուղօշ Իպրահիմի՝ կապանօք տարաւ ընդ իւր
 'ի Դամասկոս , և պահանջէր 'ի նմանէ Հարիւրաւոր քսակս
 և ապա թողուլ : Եւ եղև յիջանել 280 ուխտաւորացն Հա-
 յոց յԵրուսաղէմէ 'ի Ռեմլէ , ընդ առջ ելեալ Ապուղօշն՝
 կալաւ 'ի նոցանէ 29 երեւելի անձինս և եղ 'ի բանտի , և
 զայլս առաքեաց 'ի Ռեմլէ . ապա գրեաց առ Խորհրդակա-
 նըս , թէ՛ տուք բերել զեղրայրն իմ , եւ ես արձակեցից
 զուխտաւորսն : Եթէ ձեռնամուխ լինէին , առջի կայր նո-
 ցա գոնէ հատուցանել 30,000 դահեկանս , վասն որոյ թո-
 ղին այնպէս . ուխտաւորք մնացին 'ի չարչարանս , և այլքն
 'ի դաշան Ռեմլէի անտանելի խղճութեամբ սպասէին : Պօ-
 ղոս Եպիսկոպոս 'ի դնալն յԵգիպտոս ականատես է այսմ
 թշուառութեան ուխտաւորաց , այլ ոչ ձեռնհաս : Ապա
 յաւելին խնդրել 'ի Պատրիարքէն և յազգապետաց հասա-
 նիլ 'ի թիկունս օգնականութեան Ս . Աթողոյն , բողոքել
 առ Տէրութիւնն , և յետս պահանջել զաւելի առեալ դը-
 րամս 'ի գործակատարէ նորին , և զօրաւոր հրովարտակաւ
 չափ եւ կոպար դնել հարկաց Բդեչխին եւ Դատաւորին ,
 և բառնալ զանկանոն պահանջս այլազգեաց , և հոգալ վա-
 սըն թեթեւութեան պարտուց , եւ կամ խապառ բառնալ
 զտոկոսիս , որով լիցի հնար բանալ վերստին զդուռն վա-
 նաց և մնալ միարանաց : Զայս նամակ գրեցին 'ի Քեբրոնէ
 առ Կարապետ Պատրիարք և առ Գլխաւորս ազգին 'ի Կոս-
 տանդինուպօլիս , եւ ընդ նմին առաքեցին զցուցակ արոց
 գրեալ յականէ յանուանէ , եւ խնդրեցին զպատասխանիս
 թղթոց առաքել յԵգիպտոս , և խորհէին յղել առ նոսա զմե
 ոմն յինքեանց պատմել զամենայն ինչ բերանով : Ի հասա-
 նիլ այսոցիկ նամակաց , ետ թարգմանել Պատրիարքն զա-
 մենայն անկանոն գործս Բդեչխին եւ զտառապանս միա-
 բանաց և ժողովրդոց , յետս պահանջելով զաւելորդ դրամն
 զոր էառ Կուսակալն , այլովքն հանդերձ , եւ մատոյց 'ի
 Դուռն :

Իսկ այլազգիք Երուսաղէմի դնացեալ զինի եպիսկոպո-
 սաց 'ի Քեբրոն բռնադատէին զնոսա դառնալ անդրէն յԵ-
 րուսաղէմ , եւ 'ի չանսալ նոցա , երդմամբ դաշինս հաս-
 տատէին՝ այնուհետեւ չնեղել զնոսա և չպահանջել ինչ ,
 և 'ի դէպ ժամանակի լինել օգնական , և այսպէս յորդո-